



Girjáivuohta ja čiekŋudeapmi kulturskuvllas

Báikkálaš rámmaplána



Gáivuona suohkan
Kåfjord kommune
Kaivuonon komuuni



GÁIVUONA KULTURSKUVLA
Kåfjord kulturskole Kaivuonon kulttuurikoulu



NORSK KULTURSKOLERÅD

Álgosánit

Norgga kulturskuvlaráđđi ráhkadii 2014:s rámmaplána *Mangfold og fordypning* (Norsk kulturskoleråd, 2014) kulturskuvllaide. Go atnigoahtit dán Gáivuona kulturskuvllas, háliidit buoridit fágalaš ja pedagogalaš kvalitehta kulturskuvllas.

Gáivuona kulturskuvllas lea giđđa 2019 rájes bargan ovdánahttit báikkálaš rámmaplána *Mangfold og fordypning* vuodul. Báikkálaš plána lea lasáhus, mas deattuhuvvo mot Gáivuona kulturskuvla galgá doaimmahuvvot.

Lassin sihkkarastit kvalitehta, galgá rámmaplána lohtet diehttevašvuoda ja dagahit vejolažžan bargat guhkesáiggi ulbmiliiguin ja proševttaiguin Gáivuona kulturskuvllas.

Plána leat Gáivuona kulturskuvlla bargit ráhkadan.

Sisdoallu

Kapihttal 1 – Kulturskuvlla servodatdoaimba	4
1.1 Doaimba	4
1.2 Árvovuodđu	4
1.3 Áigumuš	4
1.4 Kulturskuvlla ulbmilat	4
1.4.1 Báikkálaš ulbmilat	5
1.5 Kulturskuvla báikkálaš resursaguovddážin	5
1.5.1 Bajásšaddanosodat	5
1.5.2 Dearvvašvuodaosodat	5
1.5.3 Báikkálaš searvvit ja joavkkut	6
1.5.4 Guvllolaččat	6
1.5.5 Muđui	6
1.6 Kulturskuvlla fágat	6
1.7 Oahpahusa doaimman	7
Kapihttal 2: Oahoahusa prinsihpat ja njuolggadusat	7
Kapihttal 3: Fágaplánat	7
3.1 Báikkálaš lasáhusat	8
Kapihttal 4: Ulbmil kvaliteahttasihkkarastinvuogádahkii	8
4.1 Doaimbajibut	8
Gáldut	8

Kapihttal 1 – Kulturskuvlla servodatdoaimma

1.1 Doaimma

Gáivuona kulturskuvla lea sajáiduhhton Oahpahuslágas § 13-6. Mii leat oaseváldit Norgga kulturrádis, mii lea berošteaddji-, ovttasbargo – ja ovdánahttinorganisašuvdna suohkaniidda, mat eaiggádit ja doaimmahit kulturskuvllaid.

Gáivuona suohkan lea skuvlaeaiggát ja suohkanis lea váldoovddasvástádus dasa ahte rámmaplána sisdoallu čuvvo ja čađahuvvo.

1.2 Árvovuoddu

Gáivuona suohkan lea álo leamaš ja lea ain mánggakultuvrralaš suohkan. Dárogiella, sámeigiella ja kveanagiella leat doaimman bálddalaga guhkes áiggi, ja girjáivuohta lea vel eanet viidon maŋit áiggiid go deike leat fárren olbmot eará kultuvrrain. Dát buktá stuora vejolašvuodaid kultuvrralaš lonuheapmái ja čiekŋudeapmái. Gáivuona suohkan galgá láchit kulturdeavvadeamiid ja kulturlonuhemiid, main vuodđun lea jotkkolaš báikkálaš ja historjjálaš kulturlonuheapmi, mii dávjá gohčoduvo “ Golmma álbmoga deavvadeapmi”.

Kulturskuvlla barggus galgá olbmui ollislaš oaidnu ja jurdda ahte buohkain lea hábmendáidu ja dárbu čájehit dan. Oahpahus galgá dáid ovdánahttit.

1.3 Áigumuš

Kulturskuvla galgá addit alladássásaš oahpahusa buot hutkkas fágain ja deattuhit searvadahttima ja heiveheami juohkehačča dásis. Kulturskuvla galgá leat láidesteaddji ovttasbarggus ásahusaiguin, servviiguin ja organisašuvnnaiguin báikkálaččat ja guvllolaččat. Kulturskuvla galgá maiddái ráhkkanahttitohppiid, geat háliidit vázzit musihka, dánsa ja drámá ja maiddái hábmenfágaid lohkanráhkkanahttimis joatkkaoahpahasas.

1.4 Kulturskuvlla ulbmilat

Leat vižžon *Mangfold og fordypning*:

Kulturskuvla galgá

- addit ohppiide vejolašvuoda ovdánahttit máhtu ja gálggaid dáiddafágain
- addit ohppiide vejolašvuoda gávdnat ja ovdanbuktit iežas dáidda – ja kulturvugiid
- nanusmahttit ohppiid estehtalaš, sosiála ja kultuvrralaš gelbbolašvuoda
- nanusmahttit ohppiid návccaid smiehttat kritihkalaččat ja váldit iešheanalaš válljemiid

- addit čiekŋudanvejolašvuodaid, mat leat ávkkálaččat joatkka- ja allaoahpahasas dáidda- ja kulturfágain
- ovttas skuvllain váikkuhit ahte lea ollislaš dáidda – ja kulturfágalaš fálaldat buot mánáide ja nuoraide
- leat báikkálaš resursaguovddáš, mii lea oassálaš nannet kultuvrralaš gelbbolašvuoda ja geahččaladdama
- ovttas kulturdoaimmaiguin fállat dáidda- ja kulturfágalaš doarjaga oahpahussii ja ovdanbuktímii olles báikkálaš servodahkii

1.4.1 Báikkálas ulbmilat

Gáivuona kulturskuvla galgá:

- Láhčit deaivadanbáikkiid ja kulturarenaid nuoraide vealatkeahtá giliid ja suohkanrájiid.
- Oahpahit ohppiid veháš Gáivuona mánggagielat, báikkálaš kultuvrra ja árbevieruid birra
- Leat aktiivvalaš arena čohkket mánáid ja rávisolbmuid

1.5 Kulturskuvla báikkálaš resursaguovddážiin

Leat báikkálaš resursaguovddáš mearkkaša ahte mii, kulturskuvlla bargiid bokte, galgat váikkuhit nannet gelbbolašvuoda ja kultuvrralaš geahččaladdama Gáivuona suohkanis kulturskuvlla mearriduvvon rámmaid siskkobealde. Dán dahkat dainna vugiin ahte ovttasbargat oassádalliiguin ja instánssaiguin suohkanis. Dákkár ovttasbargu eaktuda dássásaš oasseváldiid, geat sáhttit addit ja oažžut.

1.5.1 Bajásšaddanossodat

Gáivuona kulturskuvla lea resursaguovddáš skuvllaide, AAF:i, mánáidgárddiide ja rávisolbmooahpahussii. Kulturskuvla sáhtta veahkehit mángga sajis ja mángga ládje:

- Dušše bargiid
- Doallat musihkka- ja muitalanbottuid
- Oassálastit temábeivviin ja prošeavttain
- Fállat dáidda – ja musihkkaterapiija ovttaskasat dahje joavkkus

1.5.2 Dearvvašvuodaossodat

Gáivuona kulturskuvla lea resursaguovddáš PD- bálvalussii, mánáidsuodjalussii, sosiálabálvalussii, báhtareaddjebálvalussii, dearvvašvuoda buohccidivššarii ja vuorrasiidfuolahussii suohkanis. Kulturskuvla sáhtta veahkehit mángga sajis ja iešguđet ládje:

- Fállat dáidda – ja musihkkaterapiija – ovttaskas olbmui dahje joavkkuin
- Leat mielde doallat kulturdeavvademiid ovttas skuvllain, báhtareaddjebálvalusain ja rávisolbmuidoahpahusain.
- Doallat lávlunbottuid ja smávit konsearttaid vuorrasiidda ásahusain.
- Láhčit oahpahusa go leat earenoamáš dárbbut.

1.5.3 Báikkálaš searvvit ja joavkkut

Jus gávdnojit oahpaheaddjit, de doarju Gáivuona kulturskuvla eaktodáhtolaš kultureallin doaimmaid.

Dán sáhhtá omd. dahkat ná:

- Kulturskuvlla oahpaheaddjit leat bagadallit, akkompagnatørat, buvttadeaddjit, dirigeanttat, bagadallit, regissørat, jietna – ja čuovgateknihkkárat ja maiddá eará.
- Kulturskuvla oahpaha čuojahit korpsačuojanasaid.

1.5.4 Guvllolaččat

Gáivuona kulturskuvla galgá leat duvdi guvllolaš ovttasbarggus. Mii galgat:

- Viidásit ovdánahttit GRSN- ovttasbarggu (Gáivuotna, Ráisa, Skiervá ja Návuotna)
- Láhčit deavvadanbáikkiid/ kurssaid/ doaluid nuoraide beroškeahhtá suohkanrájiid
- Jeavddalaš doallat ovttasbarggu ja ovdánahttinbarggu eará kulturskuvllaiguin Davvi-Tromssas.

1.5.5 Muđui

Gáivuona kulturskuvla doarju ja bagadallá rávisolbmuid ja nuoraid, geat háliidit oassálastit olggobealde kulturskuvlla doaimmaid. Dán sáhhtit dahkat ná:

- Hálldašit ja doallat NKD:a
- Evttohit kandidáhtaid Niehkostipendii
- Doallat ja oassálastit konsearttain, čájáhusain ja čájálmásain
- Doarjut ja leat aktiivvalaš ovttasbargi suohkana KS- ovddasvástideddjiin

1.6 Kulturskuvlla fága

Gáivuona kulturskuvla fállá oahpahusa hutkkas ja estehtalaš fágain nu go musihkas, lávdedáidagis, lávdeteknikkas, visuála dáidagis ja kulturbuvttadeamis. Kulturskuvla deattuha atnigoahtit digitála reaidduid iežas doaimmain. Lassin doallat oanehit kurssaid eará fágasurggiin.

1.7 Oahpahusa doaibman

Gáivuona kulturskuvllas lea oahpahus beivet, maŋŋelgaskabeivviid ja eahkediid. Gáivuona kulturskuvla čuovvu vuodđoskuvlla skuvlaruvttu. Oahpahus lea buot agát gáivuotnalaččaide, muhto fuomášupmi lea earenoamážit ohppiide vuodđoskuvllas ja mánáidgárdemánáide.

Ohppiin Gáivuona kulturskuvllas lea oahpahus dihto áiggiid váhkoplánas. Go leat proševttat rievdadit oahpahusa doaimma. Kulturskuvlla barggu vuodđu lea jahkejuvla, mas vuhtiiváldit jahkeáigodagaid rievdamiid, báikkálaš doaluid ja árbevieruid.

Plána juohká kulturskuvlla doaimma golmma váldoprográmmii, mat leat ovttađassásaččat, muhto main leat iešguđet ulbmilat:

Govdaprogramma: Dás deattuhuvvo loaktin, hutkáivuohta, doaibmaillu, oahppan, searvadeapmi ja mánggagielatvuohta. Programmas leat kurssat ja fágafálaldagat, mat heivejit joavko- ja ensembleoahpahussii.

Guovddášprogramma: Fágavissis ovttaskas- ja joavkooahpahus (omd. čuojanasoahpahus dahje dáiddabáđji).

Čieknudanprogramma: Fálaldat ohppiide, geain lea earenoamáš beroštupmi ja návccat bargat fágain. Gáibiduvvo ahte oahppi bargá garrasit ja mearrediđolaččat. Oahpahusfálaldat galgá movttiidahttit ja leat vuodđun joatkaoahpahussii ja alit ohppui.

Kapihttal 2: Oahpahusa prinsihpat ja njuolggadusat

“Suohkanis skuvlaeaggádin lea ovddasvástáđus ahte kulturskuvlla fálaldat čuovvu riikaviidosaš láidestusađ, mat leat rámmaplánas. Kulturskuvla galgá oassin suohkana plánadokumeanttas ja sáhtá maidđái leat oassi suohkana strategiiaplánas osiin oahppu, kultuvra ja dearvvašvuohta.” (Norsk kulturskoleráđ, 2014)

Olles Kapihttal 2 lea ollislaččat fámus nu go leat kulturskuvlla rámmaplánas *Mangfold og fordypping*.

Kapihttal 3: Fágaplánat

Gáivuona kulturskuvlla fágaplánat leat fámus nu go leat rámmaplánas *Mangfold og fordypping*, muhto heivehuvvojit báikkálaččat.

3.1 Báikkálaš lasáhusat

Kulturskuvllas lea *buolvageahččansadji* ja dánne háliidit fállat juoidá buot ahkásaš ássiide Gáivuonas. Dáidda ja kultuvra lea vuodđun eallinárvui, báikkálaš gullelašvuhtii, identitehtii, oktavuodáide, oasseváldimii, oahppanhábmemii ja oaiviliidda.

Kulturskuvlaoahpaheaddji lea kulturskuvlla mávssoleamos resursa. Olles oahpahusa vuodđu lea oahpaheaddji hutkkas, estehtalaš ja kultuvrralaš fágagelbbolašvuhta.

Giella:

Kulturskuvla galgá ovddidit dárogiela, sámegiela ja kveanagiela iežas doaimmas. Kulturskuvla galgá addit bargiide vejolašvuoda lohtet iežaset giellagelbbolašvuoda. Sáhttet oassálastit lohkansurggiin/ viidáisoahpus, prošeavttain ja eará fágačiekŋudemiiin sámegielas ja kveanagielas. Galgá deattuhuvvot seailuhit báikkálaš suopmaniid.

Kapihttal 4: Ulbmil kvalitehtasihkarastinvuogádahkii

“Kulturskuvlla kvalitehtaovdáneami barggu mihttu lea viidásit ovdánahttit buot dán skuvlla mihttomeriid rámmaplánas. Joatkevaš ja plánejuvvon iešárvoštallan ja smiehttan iežas doaimmas lea eaktun dán bargui.”

(Kulturskuvlla rámmaplána *Mangfold og fordypning*, kap.4, s.115)

4.1 Doaibmabijut

- * Ásahit Vbl/ ovttasbargolávdegotti.
- * Fállat ovdánahttingságastallamiid gaskal oahppi, oahpaheaddji ja ovddasteddjiid.
- * Atnit Norgga kulturskuvlaráđi bagadallanmateriála guorahallat ja smiehttat iežas doaibmama.

Gáldut

Norsk kulturskoleråd. (2014). *Mangfold og fordypning*.

